



Terenga 6: Hōtaka 28 - Te tūkē 'arā' me ōna mata

He Mihi

Kei ngā taumua me ngā tauroto o tō tātou waka reo, piri mai anō ki te takere, kia tere ngātahi ai tātou ki ngā pae o Reo kia tika, o Reo kia rere, o Reo kia Māori.

Hei Mahi Whakarongo

He taura kounga a Paraone Gloyne mō tēnei mea, mō te whakairo i te kupu. I kitea i Te Matatini o te Poutū-te-rangi kua hori, ā, ka kitea nōna ka tū ki te whaikōrero ki runga marae. Ko Paraone te kaikōrero i te kiriata o te rangi nei. Anei ngā pātai hei whakautu mā koutou:

- 1) He aha ngā kupu whakarite mō te wharenuī?
- 2) He aha tā te wharenuī?
- 3) He aha ngā whakamārama mō te 'whakairinga o te kupu'?

Kia whakarongo ake tātou ki te toki whaowhao kupu, tārai waka whakaaro, ki a Paraone Gloyne.

He Whakamārama

Anei ngā mata rerekē o te tūkē, 'arā':

1. **arā** - *that is, namely*
 - a) Ko taku hoa tērā, arā ko Pita.
2. **arā ētahi** - *there is a number of...*
 - e) Arā ētahi tāngata e whakapono ana, me kua te tangata e kai mīti poaka.
3. **arā noa atu** - *there are many*
 - i) Arā noa atu ngā waiata tawhito a te Māori.
4. **arā** - *yonder*
 - o) Arā taku whare, kei tua o te puke rā.

He Mahi Ī-papa



Tuhia he rerenga kōrero e whakamahi ana i te kupu 'arā', kia hāngai ai ki te whakamahinga kei runga i te ĩpapa.

Hei Mahi

Whakapākehātia ēnei rerenga kōrero e whai ake nei:

1. Arā ētahi tauīwi e matatau ana ki te reo Māori.
2. He manu taketake tērā, arā, ko te tītī.
3. Arā noa atu ngā rautaki hei whai mā tātou e ora ai te reo.

Whakautu:

Mahi ĩpapa: Arā te huarahi matua ki te tonga.

Hei Mahi:

1. There are a number of foreigners who are fluent in the Māori language.
2. That's a native bird, namely, the *tītī*.
3. There are many strategies we could pursue in order to revive the language.